

## De lo que dixo el joglar a la su duenna

---

Maguer en fabla uieja, fabla de buen joglar  
que uos ama sennora, e uos quier'afyncar  
como a grand princessa muy dinna de honrrar,  
deziruos he mi cuyta: queradesm'escuchar.

Sabet que uuestros ojos m'an fecho tal ferida,  
que non se como uiuo, nin es tal la mi uida,  
desque ui en la plaça uestra talla garrida  
e que de me catar uos fuestes y seruida.

E non he ya reposo nin de noch'nin de día,  
ca fynca en mi alma la uestra loçania,  
la qual es y fyncada con atanta porfia  
que sy non con la uida tirar non se podria.

Ansy, quando non ueyo la uestra fermosura  
e non puedo pagarme de su real natura,  
oteo en mi alma su byen clara fegura,  
donde mi coraçon se goza syn mesura.

Mas y dond' es mi gozo es mi sobeja pena,  
comoquier que la uuestra beldat que m'encadena  
quisier, sennora mya, pues' para mi tan buena  
que me mostrás' un poco del amor que me llena

Por ende fiz', sennora, esta troba quexosa  
do uos pueda dezir el amor que m'acosa,  
que nos' parte de mi, nin me dexa uer cosa  
synon uuestra persona, qu'es como la Gloriosa.

Oytme syn dureça e conortad mi llaga,  
ca de fazer el byen e non de al se paga  
quien demas de fermosa el ser buena falaga,  
e quier que buen recabdo de su bondat se faga.

Afyncouos sennora: dat fyn a mi quexura;  
oytm' e non hayades de la nief' la fryura,  
ca faredesm' ayna fallesçer de tristura,  
e morir desamado es muy grand desuentura!

*Enrique François.*